

AI 2017

Aningaasaqarnermut Akileraartarnermullu Naalakkersuisoq –

Suliassaqarfik 20-24

Konto pingaarnermut 20.10.32 Uummannap eqqaani ajunaarnersuarmut tunngatillugu immikkut ittunik iliuseqarnissaq

Oqaasertaliussat tulliuttut konto pingaarnermi matumani 2017-imut tapiissutitut aningaasaliissutissanut siunnersuummut ilanngunneqarnissaat qinnutigineqarpoq:

”Nr. 1.

Uummannap eqqaani tassaarsuaqarnerata kingunerisaanik innuttaasunut eqqorneqartunut immikkut ittunik ikiorsiissuteqarnermi aningaasartuutaanerusussat isumagineqarnissaannik Naalakkersuisut piginnaatinneqarput.

Nr. 2.

Uummannap eqqaani tassaarsuaqarnerata kingunerisaanik Naalakkersuisut ajunaarnersuarmi ikiuiniarnermut akiliutinik tigusinissamik atuinissamillu piginnaatinneqarput.

Nr. 3.

Konto pingaarnermi matumani atuinikinnerussutit ukiumut aningaasaqarnermut inatsiseqarfiusumut tullermut nuunneqarnissaannik Naalakkersuisut piginnaatinneqarput.”

Konto pingaarnermut 20.10.32 Uummannap eqqaani ajunaarnersuarmut tunngatillugu immikkut ittunik iliuseqarnissamut nassuiaatit

Nassuiaatit tulliuttut konto pingaarnermut matumunnga 2017-imut ilassutitut aningaasaliinissamut inatsisissatut siunnersuummi oqaasertaliussatut ilanngunneqarnissaat siunnersuutigineqarpoq:

”Nr. 1.

Uummannap eqqaani tassaarsuaqarluni ajunaarnersuup kingunerisaanik Nunatta Karsiata innuttaasunut eqqugaasunut immikkut ittunik tapersiissuteqarnissaa pisariaqalersippaa. Ajunaarnersuup kingunerisaanik amerlasuut pigisatit tamaasa maannalu isertitassanik toqqammavitik annaavaat.

Oqaasertaliussakkut innuttaasunik, oqartussanik allanillu eqqugaasunik ikiorsiinissamut tapersiinissamullu, malittarisassat atuuttut naapertorlugit sillimmasiinissamulluunniit isumaqatigiissutaasut naapertorlugit pisinnaasaasa sanitatigut ikiorsiinissaannut piginnaatinneqarput. Assersuutigalugu atisanik, pequtinik, utaqqiisaagallartumik inissianut attartukkanut inissinneqarqikkallarnermut, Nuugaatsiami Illorsuarniluunniit aalajangersimasumik inigisamit qimagutsinneqarnermut atatillugu pequtit nuunneqarnerinut, isarussanut ikiorsiissutinullu allanut, piniutinut il.il. aningaasartuutit matussuserneqarsinnaapput.

Ilanngussaq 2, oqaasertaliussat oqaasertaliussanullu nassuiaatit

Oqaasertaliussat Nuugaatsiami assigisaaniluunniit nammineq inissiamik nutaamik pisinermut, maanna inigisat pilersinneqaqqinnerannut, attaveqaatinik pisortalluunniit illuutaannik nappaaqqinnerni assigisaannullu toqqammaviusinnaanngillat.

Nr. 2.

Uummannap eqqaani tassaarsuaqarneranut atatillugu ilaatigut nunanit allanit innuttaasunut ajunaarnersuarmik eqqugaasunut suliniuteqarnissamut atatillugu aningaasanik tapiissuteqarnissamut neriorsuuteqartoqarpoq.

Aningaaserivimmi kontomik akiliutit taakku tiguneqarnissaannut atorneqartussaq Naalakkersuisut pilersippaat.

Peqatigisaanillu aningaasanik akiliutigineqartunik siammasissumik suliniutinut maanna piffissamilu aggersumi innuttaasunut atorneqartussanut atuisinnaanermik Naalakkersuisut piginnaatinneqarput. Aningaasat ilaatigut qimminik qimarnussuinermi nerukkaatissarsinermilu, pequtinik pigisanillu allanik pisinermi, piniutinik pissarseqqinnermi, inissinneqaqqinnermi, tassunga ilanngullugu inigilivigassamik inissinneqaqqinnermi, innuttaasut eqqugaasut qularnaariffigineqarnerannut il.il. atorneqarnissaat naatsorsuutigineqarpoq. Aningaasat katersorneqartut tunniussisut siunissarisinnaasaat naapertorlugit atugassanngortinneqassaput.

Arlalinnit, tassani Grønlandsbankimit, Banknordikimit, Tele Greenlandimik Kalaallillu Røde Korsianit, nammineq katersinerit aallartinneqarput. Kontomi pingaarnermi matumani aningaasanik atuneq namminersortut katersaannik atuinermut ataqatigiissinniarneqassaaq.

Nr. 3.

Kontomi pingaarnermi matumani atuinikinnerussutit ukiumut aningaasaqarnermut inatsiseqarfimmuut tullermut nuunneqarsinnaanerannut oqaasertaliussakkut Naalakkersuisut piginnaatinneqarput. Piginnaatitsissutikkut ajunaarnersuarmi ikiuiniarnermi tunniussat tiguneqartut ukiup aningaasanut inatsiseqarfiup naanerani Nunatta Karsianut nakkartiinnarneqannginnissaat qularnarneqarpoq. Nunatta Karsiata kukkunersuisui avataaneersut suleqatigalugit kingusinnerusukku atorneqarnerannik takussutissiamik sananissaq naatsorsuutigineqarpoq.”

Aningaasaqarnermut Akileraartarnermullu Ataatsimiititaliamit ulloq 30-06-2017 akuerineqarpoq, suliaq nr. 17-757.

Kontumut pingaarnermut, 20.10.32 Uummannaq eqqaani ajunaarnersuarmut tunngatillugu immikkut ittumik iliuseqarnissat.

Oqaasertaliussat tullinnguuttut 2017-imut ilassutitut aningaasaliissutissatut siunnersuummi kontumut pingaarnermut matumunnga ilannguteqquneqarput:

”Nr. 4.

Ilanngussaq 2, oqaasertaliussat oqaasertaliussanullu nassuiaatit

Illorsuarni Nuugaatsiamilu innuttaasut illuliornissamut nammineerluni taarsigassarsiaritinneqartut akilernissaannut aningaasartuutaanerusut akilernissaannut Naalakkersuisut piginnaatinneqarput.”

Kontumut pingaarnermut, 20.10.32 Uummannap eqqaani ajunaarnersuaqarnera tunngavigalugu immikkut ittumik iliuseqarnissat, nassuiaatit

2017-imut ilassutitut aningaasaliissutissanut inatsisissatut siunnersuummi kontumut pingaarnermut matumunnga oqaasertaliussanut nassuiaatit uku ilannguteqquneqarput:

”Nr. 4.

Oqaasertaliussat matumani pineqartut aqputigalugit illuliornissamut nammineq taarsigassarsianut Illorsuarni Nuugaatsiamilu innuttaasunut taarsigassarsiaritinneqartunut aningaasartuutaanerulersut akilernissaannut Naalakkersuisut piginnaatinneqarput.

Oqaasertaliussap matuma ilanngunneqarneranut Nuugaatsiami Illorsuarnilu innuttaasut qimarnussuunneqartut akornanni innutaasoqarnera, nunaqarfiit marluk takku ilaanni illumik qularnaveeqqusiilluni, nammineq illuutitut taarsigassarsianut sulii akiligassaartoqarneranik Naalakkersuisut ilisimasaqalersimanerat patsisaavoq.

Nuugaatsiami Illorsuarnilu innuttaasut qimarnussuunneqarnerisa kingorna nunaqarfinnut marlunnut taakkununnga innuttaasut uternissaat nunaqarfiullu nalinginnaasumik ingerlaqqilernissaa sulii maannamut periarfissaatinneqanngilaq. Tamanna tunuliaqutaralugu nunaqarfinni marlunni taakkunani illuutitini qularnaveeqqusiissutit naleqanngitsutut nalilerneqarput. Taamaakkaluortoq innuttaasut inigisaminnut taarsigassarsiaat sulii ernialersorneqarlutillu taarsersorneqartussaapput.

Oqaasertaliussat aqputigalugit illuliornissamut taarsigassarsiaritinneqartut taakku taamaalillutik nammineq illuliornissamut illulioqataanissanullu il.il. Namminersorlutik Oqartussat taarsigassarsiarititai assigalugit suliarineqassapput, takuuk Aningaasaqarnermut Akileraartarnermullu Ataatsimiititaliap IA-suliaq nr. 17-760-imut akuersissuteqarnera.

Oqaasertaliussat taamaallaat Uummannap eqqaani 2017-imi juunimi ulussaarsuaqarneratigut toqqaannartumik eqqugaasunut Illorsuarmi Nuugaatsiami innuttaasunut tunngatillugu atorneqassapput.”

Aningaasaqarnermut Akileraartarnermullu Ataatsimiititaliamit akuerineqartoq ulloq 03-11-2017, suliap nr. 17-772.

Kontumut pingaarnermut 20.30.07 Ineqarnermut tapersiissuteqartarneq, erniat akiler-suutillu, ilanngaaseriikkat

Matuma kinguliani oqaasertaliussaq kontumut pingaarnermut matumunnga ilanngunneqarnissaa qinnuteqaatigineqarpoq ilassutitut aningaasaliissuteqarnermut inatsimmut 2017-imut siunnersuummi:

Ilanngussaq 2, oqaasertaliussat oqaasertaliussanullu nassuiaatit

”Nr. 3.

Naalakkersuisut piginnaatinneqarput taarsigassarsianik aappartitsinissamut aamma isumakkeerinninnissamut tak. Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq imaluunniit siusinnerusukkut peqqussutit tunngavigalugit Illorsuarni aamma Nuugaatsiami taarsiassaritinneqarsimasunik.”

Konto pingaarnermut uunga 20.30.07 Ineqarnermut tapersiissuteqartarneq, erniat akil- lersuutillu, ilanngaaseriikkat, oqaaseqaatit

Oqaasertaliussanut nassuiaatit matuma kingulianiittut kontumut pingaarnermut matumunnga ilassutitut aningaasaliissuteqarnermut inatsisissatut siunnersuummut 2017-imut ilanngunneqarnissaat qinnuteqaatigineqarpoq:

”Nr. 3.

Naalakkersuisut Illorsuarni aamma Nuugaatsiami innuttaasunut taarsigassarsititsipput nammineerluni illuliornissamut aamma illussanik sanaqataaffiusussanut taarsigassarsititsipput. Taarsigassarsiat taakku erniaqartinneqanngillat aamma akilersorneqartussaannatik ukiut 33-t ingerlanerini assigiimmik ikiliartortinneqassapput, aammattaaq ilassutitut taarsigassarsiat naafferarlugit taarsersorneqartussat. Akiligassat sinneruttut katillugit naatsorsorneqarput Nuugaatsiami 665.611,17 koruunit, taakkunanga taamaallaat taarsigassarsiat akilersorneqartut 64.105,49 koruuniupput.

Illorsuarni taarsigassarsiat tamarmik taarsigassarsiaapput ernialersorneqanngitsut aamma naafferarlugit akilersorneqartussaannngitsut, taakkua ukiut 33-t ingerlanerini assigiimmik aningaasartalerlugit ikiliartortinneqassapput imatullu 1.220.405,54 koruuninik amerlassuseqarlutik.

Nunaqarfiit taakku marluk navianartorsiorfiusutut nalunaarutigineqarsimanerat innersuussutigalugu Naalakkersuisunit, immikkut ittumik taarsigassarsianit ernialersorneqanngitsunit aamma akilersorneqartussaannngitsunit ikilisitsinissaminnut aammattaaq taarsigassarsianit naafferarlugit akilersorneqartunit isumakkeerinninnissamut, piginnaatinneqarnissaq kissaatigineqarpoq. Taamaasilluni innuttaasut akiitsoqarnatik ajornanninnerusumillu allami inissinnissaannut periarfissinneqassapput.”

Aningaasaqarnermut Ataatsimiititaliamit ulloq 03-08-2017 akuerineqartoq, suliaq nr. 17-760.

Siunertamut konto 24.10 Toqqaannartumik akileraarutit

Siunnersuutigineqarpoq oqaasertaliussaq ataaniittoq nutaaq ilanngunneqassasoq:

”Nr. 3.

Pigisanit pissarsiat ilaasa akileraaruserneqartarnerat pillugu Inatsisartut Inatsisaat nr. 37, 23. november 2017-imeersoq ulloq 1. januar 2018 atuutilersinneqarpoq.”

Ilanngussaq 2, oqaasertaliussat oqaasertaliussanullu nassuiaatit

Siunertamut kontomut 24.10 Toqqaannartumik akileraarutit oqaaseqaatit

Oqaasertaliussanut oqaaseqaat ataaniittoq ilanngunniarneqarpoq:

”Nr. 3.

Pigisanit pissarsiat ilaasa akileraaruserneqartarnerat pillugu Inatsisartut Inatsisaat nr. 37, 23. november 2017-imeersoq (UKA2017/18) Inatsisartut ukiakkut ataatsimiinneranni Inatsisartunit akuerineqarpoq.

Inatsisip akuerineqarnerata kingorna paasineqarpoq, inatsisip atuutilersinneqarnera inatsimmut oqaaseqaatini kalaallisuaani danskisuuani inatsimmi atuutilersitsinermut aalajangersakkani assigiinngitsunik allaqqasoq. Inatsisip danskisuuani inatsisip piffissaq atuutilerfia inatsisip oqaasertaani eqqortumik 1. januar 2018 allaqqavoq, oqaaseqaatinili 1. januar 2019 allaqqalluni, tamannalu kukkuneruvoq. Kalaallisuuani killormoorpoq. Taamaalilluni inatsisitigut inisissisimanerme siunertaanngitsumik erserlartutsisoqalerpoq.

Siunertaanikuuvoq inatsit pineqartoq ulloq 1. januar 2018 atuutilersinneqassasoq. Tamanna ilaatigut 2018-imut aningaasanut inatsisissatut siunnersuutip pingajussaaneerineqarnerani allannguutissatut siunnersuummi takutinneqarpoq, tassani inatsisip ulloq 1. januar 2018-imi atuutilersinneqarnissaa allaavigalugu isertitassat missingersorsorneqarlutik.

Tamanna tunngavigalugu 1. januar 2018-imiit atuutilersumik pigisanit isertitat ilaasa akileraaruserneqarnerannik kinguneqartumik inatsimmi akiliisitsinissamut piginnaatitsissumi erseqqarissuutitsissanissap qulakkeerneqarnissaa siunertaralugu oqaasertaliussaq una ilanngunneqarpoq.

Aaqqiissut taanna Inatsisartut inatsisilernerme teknikkikkut suliaqarfimmut periuseq isumaqatigalugu oqaaseqartumut oqaloqatigiissutigineqarnikuuvoq.

Inatsisissatut siunnersuut oqaasertaliussamik takutitsisoq UPA2018-imi saqqummiunneqassaaq.

Oqaasertaliussaq nutaajuvoq.”

Aningaasaqarnermut Ataatsimiititaliami akuerineqarpoq ulloq 27-12-2017, suliaq normu 17-788.

Namminiilivinnermut, Nunanut Allanut Nunalerinermullu Naalakkersuisoq - Suliassaqarfik 27

Konto pingaarneq 27.03.01 Inatsisinut tunngaviusussanut isumalioqatigiissitaq aamma allattoqarfik

Oqaasertaliussat tulliuttut ilanngunniarneqarput:

”Naalakkersuisut konto pingaarnerme matumani atuinikinnerussutinik ukiumut aningaasanut inatsiseqarfiusumut tullermut nuussinissamut piginnaatinneqarput.”

Ilanngussaq 2, oqaasertaliussat oqaasertaliussanullu nassuiaatit

Konto pingarneq 27.03.01 Inatsisinut tunngaviusussanut isumalioqatigiissitaq aamma allattoqarfik pillugu nassuiaatit

Oqaasertaliussanut nassuiaatit tulliuttut ilanngunniarneqarput:

"Aningaasaliissutit naapertuuttumik atorneqarnissaat qularnaarniarlugu Naalakkersuisut aningaasanik ukiumut aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qularnaarneqarpoq.

Oqaasertaliussat nutaajupput."

Aningaasaqarnermut Akileraartarnermullu Ataatsimiititaliamit akuerineqartoq ulloq 13-11-2017, suliap nr. 17-773.

Siunertamut konto 27.04 Nunalerineq

Oqaasertaliussat tullinnguuttut oqartussaaffiup allanngortinneqarnerata kingunerisaanik ilannguteqquneqarput:

"Nr 1.

Aalisarnermut, piniarnermut nunalerinermullu tapersiisarneq pillugu Inatsisartut inatsisaata allanngortinneqarnissaa pillugu Aalisarnermut, piniarnermut nunalerinermullu inatsisartut inatsisaat nr. 11, 20. november 2006-imeersoq aamma Nunalerinermik inuussutissarsiornerup siuarsarneqarnissaa pillugu Inatsisartut inatsisaat nr. 6, 2. december 2009-meersoq imaluunniit siusinnerusukkut inuussutissarsiutinut tapersiisarnermi malittarisassat atuuttut imaluunniit nunalerinermik inuussutissarsiornerup siuarsarneqarnissaa pillugu peqqussut nutaaq naapertorlugit qularnaveeqqusiissutinut piumasqaatinut saqqummiunneqartut malillugit taarsigassarsianut qularnaveeqqusikkanut akiitsunullu akilinngitsoorneqarsimasunut akiliuteqarnissamut Naalakkersuisut piginnaatinneqarput.

Naalakkersuisut tamakkununnga atugassarititaasut atuuttut malillugit taarsigassarsianik qularnaveeqqusikkanik akilernerqarsimasunik inuussutissarsiutinut tapersiisarnermi taarsigassarsianngortillugit allanngortitsisinnaapput, imaalilluguli inuussutissarsiutinut tapersiisarneq pillugu peqqussummi niuernikkut erniarititaasut annertunerpaamik Danmarks Nationalbankip erniarititaanit 5 procentpointimik annertunerpaamik qaffasinnerusinnaasutut aalajangersarlugit.

Nr. 2.

Naalakkersuisut piginnaatinneqarput Aningaasanut inatsimmi aningaasaliissutit aalajangersarneqartut saniatigut konto pingarnerit 27.04.03-p Taarsigassarsiat erniaqaratillu taarsersugassaangitsut aamma 27.04.04-p Taarsigassarsiat ernialersukkat, ataanni inuussutissarsiutinut taarsigassarsititsinissamut, taarsigassarsiat taakku taarsigassarsiaaersut akilernerqarnissaannut atorneqassappata, taamaallutillu konto pingaarnerni 27.04.03-mi Taarsigassarsiat erniaqaratillu taarsersugassaangitsut aammalu 27.04.05-mi

Ilanngussaq 2, oqaasertaliussat oqaasertaliussanullu nassuiaatit

Taarsigassarsianut ernialersukkanut akilersuutit, amerlaqataannik isertitaqarnerussutaassappata.

Nr. 3.

Aningaaserivinnut, erngup nukinganik, anorimik imaluunniit seqernup qinngorneri atorlugit innaallagissiorfeeqqanik nammineq pigisanik, savaatilimmit ataatsimit imaluunniit savaatilinnit arlalinnit ataatsimut sananissamut taarsigassarsiassat 90%-iinik matussusiisunik qularnaveeqqusiinissamut Naalackersuisut piginnaatinnearput. Taarsigassarsiat aningaasartaannut tamakkiisunut 10 mio. kr-inik. aningaasartalinnut qularnaveeqqusiisoqarsinnaavoq.

- Taarsigassarsianut qularnaveeqqusiissutit piffissami taarsigassarsiat tunniunneqarnerisa nalaanni Kalaallit Nunaanni savaateqarnermik inuussutissarsiorsinnaatitaasunut inunnut suliffeqarfinnullu atugassanngortinneqarsinnaapput.
- Nunalerinermut aamma aningaasaqarnermut tunngasumi taarsigassarsisitsinerup ingerlanneqarnissaata pissusissamisoortuuneranik naliliisoqarsimanissaa, qularnaveeqqusiinissamut piumasaqaataavoq.
- Qularnaveeqqusiissuteqarnermi Nunatta Karsiata akiligassai akiitsut sinnerini piffissamut qaqugumulluunniit atuuttumut assinginik amerlassuseqartunut annertussuseqarput, taakku aningaasat qularnaveeqqusiiffigineqartut taarsigassarsiarineqaaqartut aningaasartaannik annertussuseqarput, tassami qularnaveeqqusiissuteqarnermi taarsigassarsisumut ernialiissutigineqartut akitsuusiunneqartullu ilaatinneqanngimmata.

Nr. 4.

Naalackersuisut savaatillit taarsigassarsiaannut 3 mio. kr.-it angullugit qularnaveeqqusiinissamut piginnaatinnearput, piumasaqaatit ataani allassimasut tunngavigalugit:

- Qularnaveeqqusiissutit aningaaserivimmi, sparekassimi Nunat Avannarliit Killiit Aningaasaateqarfiani taakkualuunniit akuleriissillugit taarsigassarsiarititaannut sillimmasiissutigineqarsinnaapput. Qularnaveeqqusiissutit taarsigassarsiat allat sivisoqataannik, sivisunerpaamik ukiup aappaa avillugu sivisussusilimmik piffissaqartinneqassapput.
- Taarsigassarsiat taamaallaat nioqqutissianik suliarineqaaqqaarsimangitsunik imaattunik pisinermut atorneqarsinnaapput: Savat nerukkaatissaannut, naggorissaatissanut kalkinullu kiisalu nerukkaatissanik naatitanillu naatitsinissamut ikkussugassanut.
- Annertunerpaamik taarsigassarsiat 100%-iinut qularnaveeqqusiisoqarsinnaavoq. Taarsigassarsiat niuernerme atugassarititatut taarsigassarsiaassapput, taamaattorli 2018-ip naaneranut ukiup aappaa avillugu taarsersugassatut piffissalerneqarsimassallutik.
- Taarsigassarsianut qularnaveeqqusiissutit piffissami taarsigassarsiat tunniunneqarnerisa nalaanni Kalaallit Nunaanni savaateqarnermik

Ilanngussaq 2, oqaasertaliussat oqaasertaliussanullu nassuiaatit

inuussutissarsiorsinnaatitaasunut inunnut suliffeqarfinnullu atugassanngortinneqarsinnaapput

- Nunalerinnermut aamma aningaasaqarnermut tunngasumi taarsigassarsisitsinerup ingerlanneqarnissaata pissusissamisoortuuneranik naliliisoqarsimanissaa, qularnaveeqqusiinissamut piumasqaataavoq.
- Qularnaveeqqusiissuteqarnermi Nunatta Karsiata akiligassai akiitsut sinnerini piffissamut qaqugumulluunniit atuuttumut assinginik amerlassuseqartunut annertussuseqarput, taakku aningaasat qularnaveeqqusiiffigineqartut taarsigassarsiarineqaqqaartut aningaasartaannik annertussuseqarput, tassami qularnaveeqqusiissuteqarnermi taarsigassarsisumut erniliissutigineqartut akitsuusiunneqartullu ilaatinneqanngimmata."

Siunertamut konto 27.04 Nunalerineq pillugu nassuiaatit

Oqaasertaliussat tulliuttut oqartussaaffiup allanngortinneqarnerata malitsigisaanik ilannguteqquneqarput:

"Nr 1.

Qularnaveeqqusiinnermut atatillugu nalornissutit eqqaassanngikkaanni oqaasertaliussat aningaasaqarnikkut sunniuteqartussaangillat. Amerlanerpaanik qularnaveeqqusiinnermi pisussaaffiit Nunatta Karsiani naatsorsuutaasigut takuneqarsinnaapput.

Oqartussaaffinnik allannguinerup malitsigisaanik oqaasertaliussat siunertamut konto-miit 73.04 Nunalerineq-miit nuunneqarsimapput.

Nr. 2.

Taarsigassarsianut atuuttunut aningaasaleeqqinnermut kiisalu kinguaariit nikinnerini sulianut atatillugu inuussutissarsiutinut tapersiisarnermi taarsigassarsiat atuuttut tamarmik nutaamik taarsigassarsinikkut aningaasalersugaasunik akiliisoqarsinnaavoq. Taarsigassarsiat allanngortinneri tamakku akuttunngitsumik aningaasartaqangaatsiartarput taamaattumillu aningaasat taarsigassarsiarititaasut ilaannik annertuunik atuisarlutik, taamaattumillu taarsigassarsianut nutaanut allanut akornusiisarlutik. Tamatuma peqatigisaanik suliani taamaattuni akiitsutoqqat immikkut ittumik akilerneqartarmata, Nunatta Karsia konto pingaarneq 27.04.05-mi, Taarsigassarsianut ernialersukkanut akilersuutit, missingersuutigineqariinngitsunik isertitaqartarpoq. Siuliini taaneqartutut pisoqartillugu immikkut ittumik isertitat immikkut ittumik taarsigassarsisitsinissamut Naalakkersuisut atorsinnaassagaat taamaalilluni oqaasertaliussami siunertaavoq. Oqaasertaliussat IST-p innerneranut sunniuteqassanngillat.

Oqartussaaffinnik allannguinerup kingunerisaannik oqaasertaliussat siunertamut konto-miit 73.04 Nunalerineq-miit nuunneqarsimapput.

Ilanngussaq 2, oqaasertaliussat oqaasertaliussanullu nassuiaatit

Nr. 3.

Taamanikkut Inatsisartut 2007-imi ukiakkut ataatsimiinnerminni imm. 108 akuersissutigaat: Erngup nukinga atorlugu nukissiorfeeraliornissamut aningaaserivinnut taarsigassarsiniarnermi qularnaveeqqusiisoqarsinnaaneraniq periarfissat siuarsarniarlugit Naalackersuisut sulissuteqaqqullugit Inatsisartut aalajangiiffigisassaattut siunnersuut.

Aalajangiinerup taassuma kingunerisaanik aningaasaqarnermut killissarititaasut iluanni savaateqarfinni erngup nukinga atorlugu nukissiorfeeraliornissamut taarsigassarsianut qularnaveeqqusiinissamut Naalackersuisut piginnaatinneqassasut siunnersuutigineqarpoq.

Taamatut 90 %-imik qularnaveeqqusiineq aningaaseriviup akiligassarsisitsisup navianartorsiorneranut matussusiinertut isigineqassaaq.

Oqartussaaffinnik allannguinerup malitsigisaanik oqaasertaliussat siunertamut kontumiit 73.04 Nunalerineq-miit nuunneqarsimapput.

Nr. 4.

Oqaasertaliussap Naalackersuisut piginnaatippai qularnaveeqqusiissuteqarsinnaaneraniq peqatigitillugulu ukiumi aningaasaqarfiusumi tamakkiisumik aningaasanut qularnaveeqqutigineqartunut amerlanerpaanik sinaakkusiillutik.

Aningaasariviup tamanna pisariaqarsorippagu, aningaaserivimmit aningaasalersorneqartunik nerukkaatissanik suliarineqqaarsimanngitsunik pisinermut Namminersorlutik Oqartussat 100 %-imik qularnaveeqqusiisinnaapput.

Qularnaveeqqusiineq taanna konto pingaarneq 27.04.04, Taarsigassarsiat ernialersukkat, aqqutigalugit aningaasalersukkamik taarsigassarsisitsinikkut aningaasalersorneqassaaq.

Oqartussaaffinnik allannguinerup malitsigisaanik oqaasertaliussat siunertamut konto-miit 73.04 Nunalerineq-miit nuunneqarsimapput."

Naalackersuisunit akuerineqarpoq ulloq 09-08-2017. Nikisitserineq ilanngussaq 2-mi inatsisitigut toqqammaveqarpoq, oqaasertaliussat: Naalackersuisut - Suliassaqarfik 10-89, nr. 1.

Siunertamut konto 27.04 Nunalerineq-mut

Siunertamut kontumut 27.04 Nunalerineq-mut oqaasertaliussani nr. 4-mi immikkoortumi tullinnguuttumiittut peeqquneqarput:

"Nr. 4.

Naalackersuisut savaatillit taarsigassarsiaannut 3 mio. kr.-t angullugit qularnaveeqqusiinissamut piginnaatinneqarput, piumasaqaatit ataani allassimasut tunngavigalugit:"

Ilanngussaq 2, oqaasertaliussat oqaasertaliussanullu nassuiaatit

Tullinnguuttunillu taarserlugit:

”Nr. 4.

Naalackersuisut savaatillit taarsigassarsiaannut 4 mio. kr.-t angullugit qularnaveeqqusiinissamut piginnaatinneqarput, piunasaqaatit ataani allassimasut tunngavigalugit: “

Siunertamut konto 27.04 Nunalerineq-mut nassuiaatit

2017-imut ilassutitut aningaasaliissutissanut inatsisissatut siunnersuummi kontumut pingaarnermut matumunnga oqaasertaliussanut nr. 4-mut nassuiaatit ilanngunneqartut uku ilannguteqquneqarput:

”Nr. 4.

2017-imi savaateqarfiit nerukkaatissanik suliareqqaarnikuunngitsunik pisinissaanut taarsigassarsianut qularnaveeqqusiissutip immikkut ittumik qaffaaffiginissaa pillugu SPS-imit qinnuteqaammik Namminiilivinnermut, Nunanut Allanut Nunalerinermullu Naalackersuisoqarfik tigusaqarsimavoq. Qularnaveeqqusiissutit 3,0 mio. kr.-iniit 4,0 mio. kr.-inut qaffanniarneqarput.

Immikkut ittumik taamatut qaffaasoqarnissaanik qinnuiginnittoqarneranut pissutaavoq Kujataa panernersuaqarnermik eqqugaasimammatt, tamannalu pissutigalugu savanut nerukkaatissat pisariaqartinneqartut naatinneqarsinnaasimanatik. Panernersuaqarnerullu sunniutai taamaalillutik naatitat upernaap sialoqannginneranik eqqornerlunneqarsimapput. Savanut nerukkaatissanut, ivikkanut, naatsiiassanik ikkussugassanut, nunamut naggorissaatinut, kalkinut assigisaannullu uumasut pisariaqartitaannut nalinginnaasumik pisiarineqartartut qaangerlugit pisinissamut aningaasat atorneqassapput.

Nerukkaatissanik pisinermi qularnaveeqqusiissutinut akiliineq kontumut pingaarnermut, 27.04.07 Savaatillit nioqutissanik pisiortornerminni taarsigassarsiaannut qularnaveeqqutinik akiliineq, aningaasaliissutigineqartut aqutigalugit aningaasalorsorneqarpoq. 2017-imi qularnaveeqqusiissutinik 3,0 mio. kr.-iniit 4,0 mio. kr.-inut immikkut ittumik qaffaaneq kontumi pingaarnermi ukioq manna ukiunilu tulliuttuni aningaasanut inatsiseqarfiusunut atuinerunermik kinguneqassasoq naatsorsuutigineqanngilaq.”

Aningaasaqarnermut Akileraartarnermullu Ataatsimiititaliamit akuerineqartoq ulloq 13-09-2017, suliap nr. 17-766.

Isumaginninnermut, Ilaqutariinnermut, Naligiissitaanermut Inatsisinillu

Atuutsitsinnermut Naalackersuisoq – Suliassaqaarfik 30

Konto pingaarneq 30.01.02-mut Isumaginninnermut Aqutisisoqarfik

Oqaasertaliussassat uku ilanngunniarneqarput:

Ilanngussaq 2, oqaasertaliussat oqaasertaliussanullu nassuiaatit

”Naalakkersuisut konto pingaarnermi matumani 800.000 kr.-it tikillugit atuinikinnerussutinik ukiumut aningaasanut inatsiseqarfiusumut 2018-imut nuussinissamut piginnaatinneqarput.”

Konto pingarneq 30.01.02-mut, Isumaginninnermut Aqutisioqarfik, nassuiaatit

Oqaasertaliussanut nassuiaatit uku ilanngunniarneqarput:

”Aningaasaliissutit naapertuuttumik atorneqarnissaat qularnaarniarlugu Naalakkersuisut aningaasanik ukiumut aningaasanut inatsiseqarfiusumut tullermut nuussinissamut tunngavissaqarnissaat oqaasertaliussatigut qularnaarneqarpoq. Kommunini suliamik sulianillu suliarinnittarnermi qarasaasiat atortut sulianik suliarinnittarnermi ikorfartuutaasussat, kommuninut nakkutilliarterni malitseqartinneqartitsisarnerit kingunerinik, piffissami sivitsulersumi ineriartortinneqarnerat suliarineqarsimavoq. Atuinissamulli akuersissutit pillugit isumaqatigiissutit aaqiagiinngissutigineqarnerisa kingunerisaanik suliniut ajornartorsiorfiulersimavoq, taamaasillutillu aningaasat 2017-imi aningaasaliissutigineqarsimasut pilersaarutaasunut atorneqarsinnaajunnaarlutik. Akuersissutinut tunngatillugu ajornartorsiut aaqinneqariapat suliap 2018-imi ingerlateqqinnissaa eqqarsaatigalugu aningaasat 2018-imut nuunneqarnissaat oqaasertaliussat uku aqutigalugit pisinnaavoq.

Oqaasertaliussat nutaajupput.”

Aningaasaqarnermut Akileraartarnermullu Ataatsimiititaliamit akuerineqartoq ulloq 20-12-2017, suliap nr. 17-784.

Konto pingarneq 30.11.10 Ineqarnermut tapiissutit

Oqaasertaliussat tullinnguuttut 2017-imut ilassutitut aningaasaliissutissatut siunnersuummi kontumut pingaarnermut matumunnga ilannguteqquneqarput:

”Ilaqutariit paarsisartut paaqqinninnersiutinik, oqilisaanermut akissarsianik, tassangaannartumik ilaqutariinni paarineqarnermut akissarsianik, meeqqat inuuniarnissaannut tapiissutinik, nerisassarsiutissanik, kaasarfimmiussanik aamma atisassarsiutissanik meeqqap angerlarsimaffiup avataanut inissinneqarnerani meeqqanik paarsaqarlutik kommunimiit tunineqartartut massakkut aningaasarsiarineqartunik ilanngaaffigineqarsinnaatitaapput, tassanilu paarsinissamut isumaqatigiissummut atatillugu aningaasanik akileraarutitigut ilanngaammum naapertuuttumik ilanngaaffigineqarsinnaapput akileraartarnermut maleruagassat atuuttut naapertorlugit. Ilaqutariit paarsisartut akileraarutitigut ilanngaammik pisinnaatitaanertik uppernarsassavaat.”

Konto pingarneq 30.11.10 Ineqarnermut tapiissutit pillugit nassuiaatit

2017-imut ilassutitut aningaasaliissutissanut inatsisissatut siunnersuummi kontumut pingaarnermut matumunnga oqaasertaliussanut nassuiaatit uku ilannguteqquneqarput:

Ilanngussaq 2, oqaasertaliussat oqaasertaliussanullu nassuiaatit

"Ineqarnermut tapiissutit aalajangiiffiginissaannut aningaasarsiat akileraaruteqaataasussanut taarsiullugu massakkut aningaasarsiat naatsorsuinissamut tunngavittut atulernissaanni ilaqutariit paarsisartut eqqugaannginnissaat oqaasertaliussatigut qulakkeerneqarpoq. Tamatumunnga tunngaviuvoq paaqqinninnersiutit allallu aningaasarsiaammata B-t, taamaattorli akileraarutaasussaanatik, tassami isertitarineqartut taakku aningaasarsiani akileraaruteqaataasussani akileraarutitigut ilanngaammut ilanngunneqarsinnaammata.

Oqaasertaliussat suliassaqarfimmi inatsisitigut allannguisoqarnissaa tikillugu atorneqarallassapput, tassanilu siunissami ilaqutariinnut inissiiviusartunut akissarsiaqartitsinissami ilusissaq ilanngunneqarumaarluni.

Oqaasertaliussat nutaajupput."

Aningaasaqarnermut Akileraartarnermullu Ataatsimiititaliamit akuerineqartoq ulloq 30-08-2017, suliap nr. 17-765.

Konto pingaarneq 30.12.08 Utoqqalinermi pensionisiat

Oqaasertaliussat tullinnguuttut 2017-imut ilassutitut aningaasaliissutissatut siunnersuummi kontumut pingaarnermut matumunnga ilannguteqquneqarput:

"Ilaqutariit paarsisartut paaqqinninnersiutinik, oqilisaanermut akissarsianik, tassannaannartumik ilaqutariinni paarineqarnermut akissarsianik, meeqqat inuuniarnissaannut tapiissutinik, nerisassarsiutissanik, kaasarfimmiiussanik aamma atisassarsiutissanik meeqqap angerlarsimaffiup avataanut inissinneqarnerani meeqqanik paarsaqarlutik kommunimiit tunineqartartut massakkut aningaasarsiarineqartunik ilanngaaffigineqarsinnaatitaapput, tassanilu paarsinissamut isumaqatigiissummut atatillugu aningaasanik akileraarutitigut ilanngaammut naapertuuttumik ilanngaaffigineqarsinnaapput akileraartarnermut maleruagassat atuuttut naapertorlugit. Ilaqutariit inissiiviusut akileraarutitigut ilanngaammik pisinnaatitaanertik uppernarsassavaat."

Konto pingaarneq 30.12.08 Utoqqalinermi pensionisiat pillugit nassuiaatit

2017-imut ilassutitut aningaasaliissutissanut inatsisissatut siunnersuummi kontumut pingaarnermut matumunnga oqaasertaliussanut nassuiaatit uku ilannguteqquneqarput:

"Utoqqalinermi pensionisiat aalajangiiffiginissaannut aningaasarsiat akileraaruteqaataasussanut taarsiullugu massakkut aningaasarsiat naatsorsuinissamut tunngavittut atulernissaanni ilaqutariit paarsisartut eqqugaannginnissaat oqaasertaliussatigut qulakkeerneqarpoq. Tamatumunnga tunngaviuvoq paaqqinninnersiutit allallu aningaasarsiaammata B-t, taamaattorli akileraarutaasussaanatik, tassami isertitarineqartut taakku aningaasarsiani akileraaruteqaataasussani akileraarutitigut ilanngaammut ilanngunneqarsinnaammata.

Ilanngussaq 2, oqaasertaliussat oqaasertaliussanullu nassuiaatit

Oqaasertaliussat suliassaqarfimmi inatsisitigut allannguisoqarnissaa tikillugu atorneqarallassapput, tassanilu siunissami ilaqutariinnut inissiiviusartunut akissarsiaqartitsinissami ilusissaq ilanngunneqarumaarluni.

Oqaasertaliussat nutaajupput.”

Aningaasaqarnermut Akileraartarnermullu Ataatsimiititaliamit akuerineqartoq ulloq 30-08-2017, suliap nr. 17-765.

Konto pingaarneq 30.12.09 Siusinaartumik pensionisiat

Oqaasertaliussat tullinnguuttut 2017-imut ilassutitut aningaasaliissutissatut siunnersuummi kontumut pingaarnermut matumunnga ilannguteqquneqarput:

”Ilaqutariit paarsisartut paaqqinninersiutinik, oqilisaanermut akissarsianik, tassanngaannartumik ilaqutariinni paarineqarnermut akissarsianik, meeqqat inuuniarnissaannut tapiissutinik, nerisassarsiutissanik, kaasarfimmiussanik aamma atisassarsiutissanik meeqqap angerlarsimaffiup avataanut inissinneqarnerani meeqqanik paarsaqarlutik kommunimiit tunineqartartut massakkut aningaasarsiarineqartunik ilanngaaffigineqarsinnaatitaapput, tassanilu paarsinissamut isumaqatigiissummut atatillugu aningaasanik akileraarutitigut ilanngaammut naapertuuttumik ilanngaaffigineqarsinnaapput akileraartarnermut maleruagassat atuuttut naapertorlugit. Ilaqutariit paarsisartut akileraarutitigut ilanngaammik pisinnaatitaanertik uppernarsassa-vaat.”

Konto pingaarneq 30.12.09 Siusinaartumik pensionisiat pillugit nassuiaatit

2017-imut ilassutitut aningaasaliissutissanut inatsisissatut siunnersuummi kontumut pingaarnermut matumunnga oqaasertaliussanut nassuiaatit uku ilannguteqquneqarput:

”Siusinaartumik pensionisiat aalajangiiffiginissaannut aningaasarsiat akileraaruteqaataasussanut taarsiullugu massakkut aningaasarsiat naatsorsuinissamut tunngavittut atulernissaanni ilaqutariit paarsisartut eqqugaannginnissaat oqaasertaliussatigut qulakkeerneqarpoq. Tamatumunnga tunngaviuvoq paaqqinninersiutit allallu aningaasarsiaammata B-t, taamaattorli akileraarutaasusnaanatik, tassami isertarineqartut taakku aningaasarsiani akileraaruteqaataasussani akileraarutitigut ilanngaammut ilanngunneqarsinnaammata.

Oqaasertaliussat suliassaqarfimmi inatsisitigut allannguisoqarnissaa tikillugu atorneqarallassapput, tassanilu siunissami ilaqutariinnut paarsisartunut akissarsiaqartitsinissami ilusissaq ilanngunneqarumaarluni.

Oqaasertaliussat nutaajupput.”

Aningaasaqarnermut Akileraartarnermullu Ataatsimiititaliamit akuerineqartoq ulloq 30-08-2017, suliap nr. 17-765.

Ilanngussaq 2, oqaasertaliussat oqaasertaliussanullu nassuiaatit

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq – Suliassaqarfik 40

Kontumut pingaarnermut 40.91.20 Perorsaanermik Ilinniarfik

Oqaasertaliussat imaattut ilanngunneqarnissaat qinnutigineqarput:

”Naalakkersuisut piginnaatinneqarput nuussinissamut annertunerpaamik 1.000.000 kr.-inik kontumi pingaarnermi matumani atuinikinnerussutaasunik, aningaasat ukiuannut tulliuttumut.”

Oqaaseqaatit kontumut pingaarnermut 40.91.20 Perorsaanermik Ilinniarfik

Nassuiaatit imaattut oqaasertaliussanut ilanngunneqarnissaat qinnutigineqarput:

”Oqaasertaliussatigut Naalakkersuisut piginnaatinneqarput nuussisinnaanermut aningaasaliissutinik, ilutigisaanillu aalajangerneqarluni qanoq aningaasaliissutit annertutigisut nuunneqarsinnaaneri. Oqaasertaliussanik ilanngussinermut pissutaavoq paasineqarsimammat Perorsaanermut Ilinniarfiup Nuummi illutaani oqoqartoq. Taamaattumillu pisariaqarluni ininik attartornissaq, qularnaarumallugu atugassarititaasut isumannaatsuunissaat sullivimmilu avatangiisit ilinniartunut sulisunullu pitsaasuunissaat. Oqaasertaliussakkut atuinikinnerussutaasussatut naatsorsuutigineqartut 2017-imi atorineqarsinnaapput 2018-imi ininik attartornernut.

Oqaasertaliussaq nutaajuvoq.”

Aningaasaqarnermut Ataatsimiititaliami akuerineqarpoq ulloq 27-12-2017, suliap normu 17-789.

Konto pingaarneq 40.94.17-imut, Kalaallit Nunaata Radiua – KNR

Konto pingaarnermut nassuiaat nr. 1 peerneqarnissaa qinnutigineqarpoq.

Konto pingaarneq 40.94.17-imut, Kalaallit Nunaata Radiua - KNR, nassuiaatit

Konto pingaarnermut nassuiaat nr. 1-ip oqaaseqaatitaata peerneqarnissaa qinnutigineqarpoq.

Aningaasaqarnermut Akileraartarnermullu Ataatsimiititaliamit akuerineqartoq ulloq 08-12-2017, suliap nr. 17-778.

Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq - Suliassaqarfik 70 – 72

Kontumut pingaarnermut 72.20.05 Ilaasunik angallassinermut tapiissutit

Nassuiaatip matuma nr. 4-tut ilanngunneqarnissaa qinnuteqaatigineqarpoq:

”Nr. 4

Naalakkersuisut kontomi pingaarnermi matumani atuinikinnerussutinik ukiumut aningaasaliif-fiusumut tullermut nuussinissamut piginnaatinneqarput.”

Ilanngussaq 2, oqaasertaliussat oqaasertaliussanullu nassuiaatit

Kontomut pingaarnermut 72.20.05 Ilaasunik angallassinermut tapiissutit, oqaasertaliussaq

Oqaasertaliussap matuma nassuiaammut ilanngunneqarnissaa qinnuteqaatigineqarpoq:

“Nr. 4

Nassuiaammi atuinikinnerussutaasinnaasunik ukiumut aningaasaliiffiusumut tullermut nuussisinnaaneq periarfissinneqarpoq. Sila peqqutigalugu piffissamik eqquinngittarnerit naatsorsuutigisamit ikinneruppata, aamma aningaasat tamakkerlutik inissinneqarnissamut, nerisaqartinneqarnissamut bilitsinillu annaasaqarnissamut qulakkeerinnermut atorneqanngippata taamatut atuinikinnerussutit pilersinnaapput. Piffissamik eqquinngittarnernut sila annertuumik pequtaasarmat, piffissamik eqquinngittarnermut atatillugu aningaasartuutit tamarmik sinaakkusiussat ataatsit iluanni akilerneqarsinnaanissaannut annertunerusumik qulakkeeriinialuni atuinikinnerussutaasinnaasunut immikkoortitat ukiumut aningaasaliiffiusumut tullermut nuunneqarsinnaapput.

Oqaasertaliussaq nutaajuvoq.”

Aningaasaqarnermut Akileraartarnermullu Ataatsimiititaliamit akuerineqartoq, ulloq 08-12-2017, suliap normua 17-779.

Naalakkersuisut Siulittaasuat - Suliassaqarfik 73 - 77

Siunertamut konto 73.04-mut, Nunalerineq

Oqartussaaffinnik allannguinerup kingunerisaanik oqaasertaliussat nr. 1-4 atorunnaarsinneqarput.

Siunertamut konto 73.04, Nunalerineq pillugu nassuiaatit

Oqartussaaffinnik allannguinerup malitsigisaanik oqaasertaliussanut nr. 1-4-mut nassuiaatit.

Naalakkersuisunit akuerineqarpoq ulloq 09-08-2017. Nikisitserineq ilanngussaq 2-mi inatsisitigut toqqammaveqarpoq, oqaasertaliussat: Naalakkersuisut - Suliassaqarfik 10-89, nr. 1.

Kommuninut, Nunaqarfinnut, Isorliunerusunut, Attaveqatigiinnermut Ineqarnermullu Naalakkersuisoq – Suliassaqarfik 80-89

Konto pingaarnermut 89.72.12 Inissialiassat taartissanillu inissialiortiternermut

Matuma kinguliani oqaasertaliussaq kontumut pingaarnermut matumunnga ilanngunneqarnissaa qinnuteqaatigineqarpoq ilassutitut aningaasaliissuteqarnermut inatsimmut 2017-imut siunnersuummi:

Suliniummumut 340.39.041 Tassaarnerup kinguneranik illuliat, aningaasaliissuteqarnerup piviusunngortinneqarneranut atatillugu Naalakkersuisut piginnaatinneqartut inissamik pissarsinissamut taarsigassarsititsinissaminnut, nunaqarfiunerusuni aamma isorliunerusuni,

Ilanngussaq 2, oqaasertaliussat oqaasertaliussanullu nassuiaatit

tak. Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq, Illorsuarni aamma Nuugaatsiami innuttaasunut qimarngutinneqarsimasunut tamatumani apeqqutaatinneqanngilaq illu napparneqarsimasoq nutaajunersoq, siunertamut pisiarineqarsimanersoq imalluunniit illu Namminersorlutik Oqartussanit pigineqarnersoq. Taarsigassarsiaq annertussuseqarpoq nutaamik illuliornermi sananerata akia imalluunniit niuernermi nalinga illup ilaqtariinnut ataatsinut naatsorsuussap pisiarineqartup imaluunniit pioreersup nutarsarneqarnera ilanngullugu. Tamanna tunngavigalugu Naalackersuisut piginnaatinneqarput illumik piginnittut namminneq akileqataanissaannik piumasaqaammik atuinninnissaminnut.”

Konto pingaarnermut uunga 89.72.12 Inissialiassat taartissanillu inissialiortiterneq, oqaaseqaatit

Oqaasertaliussanut nassuiaatit matuma kingulianiittut kontumut pingaarnermut matumunnga ilassutitut aningaasaliissuteqarnermut inatsisissatut siunnersuummut 2017-imut ilanngunneqarnissaat qinnuteqaatigineqarpoq:

”Naalackersuisut namminneq ilaqtariinnut illunik sanasinnaapput, pisisinnaapput aamma nutarsaasinnaapput, tamakku tamatuma kingornatigut innuttaasunut tunniunneqassallutik, Illorsuarni aamma Nuugaatsiami innuttaasut qimarngutinneqarsimasut periarfissaqanngippata sumiiffimmi najugaqarfissamittut kissaatigisaminni namminneq siunissami inigisassaminnik pisinnaanngippata imaluunniit attartorsinnaanngippata. Tunniussinermi taarsigassarsititsisoqassaaq taarsigassarsiarititat erniaqanngitsutut akilersugassaanngitsutullu tunniunneqarlutik, tak. Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq.

Naalackersuisut piginnaatinneqarput ataatsimoortumik taarsigassarsititsinissaminnut illuliornermi aningaasartuutitut imaluunniit pisiarineqartumut imaluunniit ilaqtariinnut ataatsinut illup niuernermi nalinganut naatsorsuisoqarluni. Taamaaliornermi innuttaasoq nammineq akiliuteqartinneqassanngilaq. Ataatsimoortumik taarsigassarsisitsinermi taarsigassarsisitsinermi piumasaqaataasut Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi atuuttut atuupput, tassa imaappoq taarsigassarsiat illumi qularnaveeqqutitut nalunaarneqassapput, kiisalu ukiut 33-t ingerlanerini assigiimmik aningaasartalerlugit ikiliartortinneqassapput.

Immikkut aqqissuussineq matuma siuliani pineqartoq taamaallaat Illorsuarni aamma Nuugaatsiami innuttaasunut atuutinneqassaaq, Uummannap eqqaani juunimi 2017-imi tassaarsuarnerani ajunaarnersuarmik toqqaannartumik eqqorneqarsimasunut.”

Aningaasaqarnermut Ataatsimiititaliamit ulloq 03-08-2017 akuerineqartoq, suliaq nr. 17-760.